


Tsutsu Yeghiqha Dolo Aphughi Kije



Akumzapu Kuchouqo
Kiphi Kichekutsu

4



Kumsujukelo nono pulochekeu aphuti momu aphughi khile kutakihikeu kuhakeu, yeghikulu jeli kuhakeu, shkuchhubekeu kuhakeu, momu akipimi kumla jeli shikeu kuhakeu phughi lakhi puthuni ipikeu ye tokumlapu. Baibel no aphughi lakhi ghili pipuakeu lo ye shuna pesu alaghila qhapuani, qhemughai keu liwo kuputu ye tsughukhuikeu jasper tu pesu putupuani. Tile kuxumi khiunomu suthimonani, anigi ki kikiyiveno mukhugha shikeumu kuhananai. Kumtsu shiahji tsughukhui eno alokivi likhi. Noye tipau phughi xujuu nishi anima? Xujuukeu likhi kumono wo tilehi ngonishi anima? Aphughi tipau lo kuxu ye kiutoi kishinani keno phujulo.

1

Pulukumlapu phughi tipauye khiuno mla eno puthupuani kea?

“Alhou vilo panongu Lhou ke ipi kunikeu kujomuzavemo, kughengu Pano aphughi lakhi panongu ghenguno kutopuatsu anike.” (Ibrimi 11:16).

Khokichile: Baibel no pi akeuno Alhou no aphughi kije lakhi akichiqhikepushi Pa wu timiqo ghenguno kutopuatsu ani. Aphughi tipau ghi ayeghi lo aphughi akeqo toike.



2

Akumzapu phughi hipau ye khipaqa lo aniepikea?

“Tileno ni Johan no, akimithe phughi, Jerusalem akitheu, kungugha lo Alhou launo iqighikeu ithulu.” (Piyekusu 21:2). “O Ampeu Alhou, ... kungugha lo O kungo a lono I kighini injutsulo.” (1 Kukami 8:28, 30).

Khokichile: Ado aghuloki hipau lo kungugha lono akimithe phughi mla ani.

3

Akumzapu phughi hipau ghili Baibel lo kishi pipuanikea?

Khokichile:

A. Ajeh

Aphughi hipau jeh pesu "Jerusalem Akitheu"

ipi ku ani (**Piyekusu 21:2**).

B. Akimighi

Aphughi boqha ye hula hila akimighi aqhemi, Akijelau akushulau akimighi aqhemi.

Eno Pano akimighi yeghu lakhi pesu aphughi mighijukelo mile kimighi saje tache lo lakhi, furlong qhethonhe chighikini mighilu"

(**Piyekusu 21:16**). Aphughi kimighi ye hulau hilau kimighi aqhemi, akimighi ye furlong

12,000 tiye mile 1,500 qhemi shi ani. akijelau akushulau mile 375 qhemi shi ani.

C. Aliwo kuputuqo

Kungumi ghi timino mighi

chekeu toi ayeghu pesu mighijukelo tile aliwo kuputu akishilau awnhe kipishe (cubits) 144.

Aliwo ye jasper tu pesu putu puani.

(**Piyekusu 21:17**). Atozu aqihelau awnhe kipishe 144 ye awkughuka (feet) 216 no aphughi bothape ani. Aliwo kuputu tozu ye Jasper tu likhino putupuani. Aphughi tipau yekibide eno jukivi ye timi tsa loye piphekumlapu. Kumsujulo, aliwo tipau ye shikikisheki 20 shipukukepu qhemi lono Jasper tu likhino putupuani.

D. Khagho

Aliwo kuputu lo khagho kijeje eno qhemughai shipukukeu 12 ani. Kuthu kipelau, kuthu ahuu, kuthu kipelau eno kuthu

apeu. Khagho 12 ye achiku pesu shipuani.

Khagho lakhikhi lo achiku lakhikhi pesu mlapuan (**Piyekusu 21:12, 13, 21**)

E. Aboqha

Aphughi putumxa puakeu liwo lo aboqha 12 qhapuani ... akughuputuqo pesu ananu shipuani, Atighiuye Jasper tu pesu shipuani, akiniuno Saphir tu, akuthuuno Agate, abidiuno Emerald, apunguuno Onyx, akutsughou no ruby, akutsuniu no chrysolite, akutacheuno beryl, atokuuno topaz, achighiuno turquoise, chighiaqhaqhiuno jascinth, eno chighi akiniuno amethyst."

(**Piyekusu 21:14, 19, 20**). Putouno pishipuwo jukelo aphughi ye milisu shou shipuku puakeu toi jukighilepushi ithulu ani.

F. Alaghila

Aphughi lo alaghila ye shuna pesu qhapuani, tiye jupililu chekeu nguju (glass) toi

(**Piyekusu 21:21**)

G. Koghekughu

Aphughi koghekughu ye kulaliu no li kimi ghenguno ananu pepuchekeu toi, ... Alhou jukuvu no yepuvupe ani. Tipau jukivi ye akughupu chiku jukivi toi, Jasper eno crystal toi tsughukhui, ... aphughi kimighi hula hila aqhemi, akijelau akushulau aqhemi (**Piyekusu 21:2, 11, 16**). Jukivi shuna pesu aphughi qhapuani, tipau shou Alhou jukuvuno yepuvupe ani. Akuka ku-a nguagha eno tsughukhuikeu "kulaliuno li kimi ghenguno ananu pepuchekeu" kimighitsu ani.





4

Hi pakutakeu akuka ku-a nguagha phughi hipau lo kuxumiqo ye alhokuthu lo alhotheshi eno ashiahji kivishi xu achenanike shea?

“Alaghila mtalo eno aghoki muku hulau hilau akuxupu subo ani, tile axathi chighikini pithi ani, asubo kumtsu lo aqhi kumtsu lo axathi pithi anani, eno tipau subo nipaqono shiyehqo shipivi nani.” (Piyekusu 22:2). “Panonguno akuxupu xathi tipau xochuno alhokuthu xu achenani.” (Bothubo 3:22).



Khokichile: Akuxupu subo tipau lono axathi ajeli chighikini pithinani, eno axathi subo tipau ye aphughi mta lo ani. (Piyekusu 2:7). Akuxupu xathi tipauno panongu lau akuxupu suighitsunani, eno axathi tipau chukemiye alhokuthu lo alhotheshi xu achenani. Tipau nipaqono akichiqhikepu shi panongu shipivitsunani eno panongu xaqhetsunani. Asubo hipau lono aqhi kumtsu lo axathi akitheshi pithitsu chenani.

5

Akumzapu phughi hipau ye kungugha launo ayeghi lo iqighinaniepike tiye kuchouno keshea?

“Tileno ni Johan no, akimithe phughi, Jerusalem akitheu, kungugha lo Alhou launo iqighikeu ithulu.” (Piyekusu 21:2). “Akumthsa akughuvumiqo kumugha, kughengu panongu ye ayeghi mheghi ighilunani.” (Mathi 5:5). “Amikuchomiqo ye ayeghi lono panongu ghicheghime lochilevenani.” (Aholetsa 11:31).

Khokichile: Iye. Anuagha ku-a kimithe phughi ye ayeghi hipau lo iqighinani, eno shikimithevekeu yeghi lo hipau no Pa phughi kutsu (oking) shinani. Xaluvekemiqo kumtsu ghenguno aphughi hipau lo pututa kungo ki anani.



6

Tile axinemi xakulu ithumlavekemiqo ye kishive nanikea?

“Aqhekezamiqo kumtsu, iye, ayikusamiqo kumtsu aghijini toivenani, eno ighiniye akeu tsala lono panongu pitiqhavenani.” (Malaki 4:1). Panopngu pitikeu mi kushu huno thime kumtsu pitikulave nani, ayeghi eno tile kua thimeqo kumtsu pitikhavenani.” (2 Pitor 3:10). “Akimithemiqo no panongu pitiqhiveku mikite shou nepukunani, kughengu tipaço ye nongu pukhu qholo ayevuamukhu shivenani.” (Malaki 4:3). “Tishi aghiepinamu Pano tushoqhi puakeu toi, ningu ye kungughaço kithe eno ayeghi kithe khile amikuchomiqono ngonikeu laju ani.” (2 Pitor 3:13).

Khokichile: Alhou no axine launo ayeghi hipau shikimitheve nani, Pano Pa mulo ghimeshi tamono axine shichekemiqo launo ayeghi hipau shikimithevenani. Tishieno Alhou no tokhoikeu yeghi kithe lakhi mlanani, Aphughi hipau no ayeghi lo phughikutsu (oking) shinani. Xaluvekemiqo ye aphughi hipau lono alhokuthu lo akimithe kuxu lono panongu lokivishi, eno lokughunoshi xuchenani. Alhou no piqhi puakeuno, “axine ye khilemu akiniu ide ithughipemonani.” (Nahum 9:1). (hi amiyizu ghili akiphi kichekutsu 11 loghi ithulunani)



7

Alhou ye Pa kukaqha (Kingdom) akitheu lo iloghinikemi lau kiu piqhi puanikea?

Khokichile:

- A. Ampeu no thumpi (luthu) lakhi shieno panongu gholo ngonikeu piqhi puani (Piyekusu 21:3).
- B. Panongu ye kiumu azukuzu shimono alhokuthu Pa gholo xu achenani (Leshele 16:11).
- C. Tilehi ye amulokusa, amulo ghime, kushukuqha, akusu shikipiviki, akusu lhokusa ghavechekeu ki, ahakusapu, aloshipusukeu, akukupuna, akhu amuzu, eno akithi kuha. (Piyekusu 21:4; Isaya 33:24; 65:23; Piyekusu 7:16).
- D. Panongu ye khilemu akulho shimonani (Isaya 40:31)
- E. Panongu kuxu lo ashiahji kivishi xu achenani. Akini kughubomino chiluve nani, anhethi kighichemino tsukholuve nani, apho aw kithimino ashetino ikauke toi ilheu luve nani. (Isaya 35:5, 6; Filipiami 3:21).
- F. Anhekushu, aghakupu, akumsapu, mithikeu, kichileu tsa pi eno mlakeu, mithemuzumokeu, kuthakugha shikeu, kuchhubekupu kumla shikeu, eno alhokusa kumla jeli shichekemiqoye Alhou kukaqha lo ilolumonani (Piyekusu 21:8, 27; 22:15) Tilehi kughuna kuamiqo lau amulokusa eno amuloghime tuchomju mayesakepu makho kuha. Kutakihikeu eno alokumsupu kuha, eno panongu kuxu do ye ashekha aghile kuha xu achenani. Ayeghi lo toi kithikuha kuqakumululo kuhano lhokta xu achenani.



8

Ayeghi kithe lo kuxu ye ishi ayeghi lo kuxu nguno kishi pakutave nanikea?



Khokichile:

- A. Ayeghi lo azughi ishi ninguno ithulu akeu hu kuhavenani (**Piyekusu 21:1**) Ishi ayeghiqha hipauye azu no saje 70 kuzupe ani. Alhou kukaqha akitheu loye titoimonani. Ayeghi giqha kuchopu jukivu ghutu lakhi toive nani. Hule hile azukucho anani, eno atoghiqo anani. (**Piyekusu 21:1; Apostolmi 3:20, 21**).
- B. Asayeli huno chichu Lukepu ghuma chhiqha shive nani (**Isaya 35:1, 2**).
- C. Tughashiqo kumtsu chhikughuvu luve nani. Ayikusa lhxu-tungtugha, angushuu, ava eno kutau kutauqo kumtsu lakhino lakhi tsuchuchekeu hu kuhavenani. Itimi kitiqono ayikusa lhxu tipaqo sasuu ilinani (**Isaya 11:6-9; 65:25**).
- D. Tilehi ye angusu eno ghushokeu kuhavenani (**Piyekusu 22:3**) **Bothubo 3:17-19** lo, axine ghengu lono ghushovekeu toikeu kuhavenani.
- E. Tilehi ye ashiaghushi kichighikeu kuhavenani (**Isaya 60:18**) Tilehi heqhi-buqhikile keu kuhavenani. Pasapagha mulhu, azukucho, ayeghikughutha eno miyitsushi amulhu fukichighikeu kuhanani.
- F. Tilehi shikupusa kiumu ithulumonani (**Piyekusu 21:27**) Akukaqha akitheu lo chumuzu shomuzukepu nhemugha aji, akuputsuji, timi shiahji ghuvekepu nhemugha kiumu ithulumonani.

9

Alhou kukaqha lo anga kititiqo ghi ananikeshea? Tsutsala tishikepushi aghiaye panongu ye thuukepu shinanikeshea?

"Itimi kititi kipitimi totimiqo no aphughi laghila chhitoi ilichenani." (**Zekharia 8:5**). **"Nono ashou ipenani eno thununani, ... amishiki lo pighichekeu mishiti toi thununani."** (**Malaki 4:2**).

Khokichile: Tile akimithe phughi lo itimi alhothe kutomo anani (**Isaya 11:6-9**) eno alhothe tipaqoye thuu ikughuvenani. Timi no ikiqivekeu lono ningu ye ningu phimpi shiti shive, alokutsu eno akumto mikheve, ikemu hipaqo kumtsu luchilepe abolho lo suluvenani (**Apostolmi 3:20, 21**).



10

Kungugha lo alokemi kusholukelo michikilelu nanikeshea?

“Ikemu tithiu ye lno pa ithike toi pa ghi ni ithinani (ithikilenani).” (1 Korinthiami 13:12).

Khokichile: Baibel no mutsumishei kutsupiye akeuno, “Xaluvekemiqo khiunogo thivekemu xuchile ithughivekemiqo ye wo akupulumi kuxumiqo sasu kuqhaluvenani eno kumtsa Alhou kukaqha akitheu lo ilonani.” (Isaya 26:19; Jeremiya 31:15-17; 1 Korinthiami 15:51-55; 1 Thesaloniami 4:13-18). Alhou kukaqha akitheu lo ayeghi lo toi alokemiqo kimichikilelunani.



11

Xuchileluve kemiqo ye kungugha lo aphimpi lo ashi eno aghi pu aghinanikeshea?

“Jisu no Pakutoshi panongu dolo puthugho eno panongu vilo pi, ‘nongu lau alokughuno alo’ ipikelo panonguye akichiqhive eno akumzave, panongu ye aghungu lakhi ithulu anikughashive, tile Pano panongu vilo, nongu ye kushiye kumsukimighei ani eno lipi anikea? Ipukhu lo eno l w lo azakuqo julo, hiye Ni ke; l bujulo. Aghungu lakhi ye nonguno Ni ithulu akeutoi ashi eno aghi puchemoke ... ikemu panonguye alokivi launo Pa pulumlano akumzaqhiyi akelo Pano panongu vilo nongu ye kiwana chukepu anikeshea? ipi inju, tile panonguno akha ghuvekeu eno akhi kichhizu pesu wo Pa tsu, Pano tipau ikhilo eno chuve, eno Pano panongu sas Bethany lo wuve ... tileno panongu kumughatsu ... tishieno panongu sas kututashive, eno Pa sas kungugha lo ikuve.” (Luk 24:36-39, 41-43, 50, 51). Jisu Khiu nongu launo sas kungugha lo ikuvekeu nonguno ithuLuku ghola lono Paye ide ighinani (Apostolmi 1:11) Ampeu Jisu no ningu phimpi akiqiu hu ... pekilipe Pa jukuvu phimpi lo suvetsunani (Filipiami 3:20, 21)

Khokichile: Pano xuchile ithughiveke thi akhopemiqo pelo Pa bujupe eno achuqupu chupiyeku lono Paye ashi eno aghi pu akeu phulupe. Jisu sas kungugha lo Apuh lau ikuve, ikemu Paye itaghi ayeghi lo ideighinani. Pano xaluvekemiqo xuchile ithughikemiqoye Pa toi ashi eno aghi pusu ithughinani eno Pa gholo lhokta tishi xu achenepani. Tile xaluvekemiqo shiahji khilemu qivemonani, kughengu panongu ye akithi qholo kumoveake ghenguno. Hile kutamiqono puluchekeu ye kithimi ghunguqo ye khungkusu lono yehu yewo acheni ipicheni, ikemu tiye Baibel lo kukutsu kumoke. Titoikeu kukutsu ye Baibel boqha kumo. Jisu no cross lono thivetsukeuye Pano xaluvekemiqo pelo Pa kimiyecono eno Pa laghi lo chechemono tishi aghunguqo shipuzu khungkusu lo yehu yewo achenenike ghenguno Pa kuxu pesu tsupuamoke. Hitoi kutomono kungugha kukaqha lo ilo nongonishikeu kumo puzu amiyizu lo ilo piti achenikeu kumsa ghenguno mla acheni. Tsutsala kumsuno Alhou kukaqha ghili eno Alhou kimithe phughi ghili kuchou ithi aghike aye timi asale asale no Pa kikimiye ghili ithi puzu Pa lau xaide ighieno Pa gholo alokivi eno alokughuno kuxu lo xulunicheke.



12

Akukaqha akitheu lo kuxumiqo ye kishi panongu do puwonanikea?

“Panonguno pututa ki shiluno tile ngochenani; panonguno atsaibo shosuno tipau xochunani. Panonguno aki shikeu lo kutamiye ilo tile ngomonani. Panonguno atsaibo shosukeu kutamiye tipau xochumonani ... Iwu timiqo ye panonguno mlakeu chuchenani” (Isaya 65:21, 22).



Khokichile: Xaluvekemiqo ye ayeghi kithe lo pututa ki shisuno tile ngonani. Aphughi akijeu lo Khristo no panongu kumtsu ghenguno mlatsukeu pututa ki ghi ani (Johan 14:1-3). Ikemu ipe ayeghi kithe lo pututano pa ki shisuno tile ngonani, pututa tsailu chisuno tipau xochunani. Ayeghi kithe lo kuxumiqo ye kuchouno akumla shinani. Panongu ye alokivishi akumla shinani.

13

Xaluvekemiqo ye Paradise lo akumla kutau kiu ghi shinanikea?

Khokichile:

- A. Kungugha leboqo igha alephenani (Isaya 35:10; 51:11; Leshele 87:7; Piyekusu 14:2, 3).
- B. Apineh dolo atsala akutsuniu kumtsu lo Alhou kukalaku zulono Pa mlla nani (Isaya 66:22, 23).
- C. Axamunuoqo eno asubogo lo anipaqo ighiqi mono tishi alho lo xu achenani (Ezekel 47:12; Isaya 35:1, 2).
- D. Alokemi eno apuh ashunogo eno Baibel lo akimithemi ipi akego sasu kusholunani (Mathi 8:11; Piyekusu 7:9-17).
- E. Baibel lo tughashiqo ghili phijulo (Isaya 11:6-9; 65:25).
- F. Kungugha qha kumtsu xujuu pinamu akulho shivemonani (Isaya 40:31).
- G. Alhou shipilikeu lekipeh injunani (Zefania 3:17).
- H. Panongu kupulo thonhei achekeu ghili phujunani (Leshele 37:3, 4; Isaya 65:24).
- I. Kumtsuno alokivi aqiqheu shinani- Jisu kimihl shilukeu lokivi, Eno kumtsu nguno alokivi akijeu ye-Jisu kimihl shilukeu, Pa sasu izuu ni keu eno pa sasu aghi kinheqhi luni keu. (Piyekusu 14:4; 22:4; 21:3; 1 Johan 3:2).





14

Paradise lo ningu ki ghili timi tsau ye hepho Piyekusulu nanima?

“Alhou no Pa kimiye chekemiqo ghenguno kutopuakeu thimeqo ghili anhethinomu ithulumphi, akini nomu chilumphi momu timi kukumusu lomu iloghimphi (1 Korinthiami 2:9).

Khokichile: Alhou no Pa w lhokta kukaqha akichiqhikepushi mla puakeu ghili timi kukumusu ye kumsu ilo tomla. Ikemu Adam no puhavekeu Paradise hu luchileve nani (Apostolmi 3:20, 21).

15

Akukaqha tipauye no luthu ghengu mlapuatsu anikeshea?

“Pulokemi pelo akuxupu zu kumsano yelupelo.” (Piyekusu 22:17). “Shipusavekumlapu mheghi lakhi ... kungugha lo o ghenguno kutopuatsu ani.” (I Pitor 1:4). “Ino o ghenguno a-a lakhi kutotsunike wuni.” (Johan 14:2).

Khokichile: Iye. Tipauye no luthu ghengu kutotsu ani – itehino kuto ani. Ampeu no a-a tipau lo no luthu ku su ani. Pano o ku akeu milivekevalo.

16

Ajukuvu kukaqha kije tipau lo kishi o-a kutotsu aniepi kea?

“Julu, Ino ahukikha lo ngono kukhu ani, tsutsala lutsa chiluno ahukikha khaqhi aye Ino iloghinani.” (Piyekusu 3:20). “I vilo Ampeu, Ampeu ipi kuchekeqiqo kumtsuno kungugha kukaqha lo ilolunike kumo, ikemu l Puh kungugha lo kuau pulou shichekemi likhino ilolunani.” (Mathi 7:21). Pa zahkutsu pape chekemiyo kumugha, kughengu panongu pelo akuxupu subo chuLukepu chipiu ithulupenani, eno khagho vechesu aphughi lo iloLukepushi pulotsunani.” (Piyekusu 22:14). “Pa ikhiLukmi kumtsu pelo Alhou nuliyo shilupenike Pano pulotsunani.” (Johan 1:12). “Pa Nu Jisu jih vechewono axineqo kumtsu launo ningu qhukimithetsu ake.” (l Johan 1:7).



Khokichile: O mulo pesu Khristo tsuvelo eno Pa gholo xuchelo tishi aye nono axine shinishi chekeu launo Pano o qhukimithetsu nani. Tiye mlaleike. Kughou nono Pa gholo ngoluvukeno, Jisu no o kimiyeno opelo Pa zahkutsu gholukeupu kuka pesu otsunani. Tipau kiqi ye noye Khristo kuxu kimihl lo xucheveniake, eno Pano opelo axine theqhilu penike kuphutsu nani. Khiuno axine theqhiluvukeno pa pelo thime kumtsu mheghi ighilupenani.” (Piyekusu 21:7). Kughou timi lakhino kungugha ghili ithitoli luvukeno paye kungugha ghenguno kutokithiluve kemi shiluve nani.

17

Jisu no Pa w kungugha kukaqha lo Pa gholo alhokuthu ngopenike ghenguno o ku su akeulo noye tile ilonike pulo anima?

Nono khochilenikeu:

Nono Iniju Keu Khochiletsu Ani

1. Timi lakhino pa lokemi xamlavekeu ghenguno amulukusashi kumsuju akelo kungugha ye kishieno alokivi –a lakhi shinikea?

Khokichile: Baibel no pi akeuye, “Alhou no panongu nhethi lono panongu nhezu isuvetsunani” (**Piyekusu 21:4**). Ayeghi kithe jukivi eno alokivino chhitoi akeu lo, Alhou no qhuchileluve kemiqo pelo panongu mulo ghime eno kusakushoqo kumtsu kumsumavepe nani. **Isaya 65:17** lono pi akeuno, “Wovekeu lo ghiliqo khilemu kumsuchilelupemo nani momu amulo lomu iloghipemo nani.”

2. Baibel no pi akeuno, “ashi eno ahji xapusu kungugha kukaqha mheghi ighilumonani” I **Korinthiami 15:50** ipiaye, tishiaye qhuchileluve kemiqoye ashi eno aghi pusu tile ngolunanikeshea?

Khokichile: Hipau ghili Akhlopeu Paul no **ajo 35-49** lono hephopiyesu puani. Ningu xuchileluvekeu phimpi hipauye ye itehi ningu phimpi hipau launo kiyequvenani. Axine no ningu phimphi eno ningu lhoayehqo qhoi pekilivetsuke. Ikemu kughou ninguno luchilevekeu Eden w paradise lo ilonikeno tile ningu phimpi hipau ghi pekilivenani, eno kungugha tokhoikeu lokivi kije lo ilonani. “ashi eno ahji” ipi akeu hipauye ayeghi lo timino xapu xu akeu ipi anike (**Mathi 16:7; Galatiami 1:16, 17; eno Efesiami 6:2 lo julio**) Khristo no xuchile ithughikelo Pa ye kuchouno ashi eno aghi puakeu panongu piyetsu (**Luk 24:39**) eno **Filipiami 3:21** kiqi lo ningu ghi Pa phimpi toi punani.

3. Akimithe phughi khagho ye akhlopeu Pitor pelo jukutsupenikeu lo qhipuatsu anikeshea?

Khokichile: Kumoe. **Piyekusu 21:12** lo pi akeuno, Jerusalem akitheu khikhi Alhou kimithe phughi lo khagho chighikini ani, eno tipaqo lo kungumi chighikini no khe ani. Baibel kiu kiyeh lomuakhopemiyo pelo khaghoqo khepenikeu tsupuamo.

4. Akimithe phughi lo tiqheli tiqheli lo akimitheshi xuchekemiqo pelo ilo ngopenani keshea?

Khokichile: Aphughi tile tsutsala timi lakhi ghenguno feet 100 kothape tsuvenamu tile timi billion 39 ghenguno ililai ngolukepu-a aph. Ishi ayeghiqha lo kughuna kuamiyo nguno akichiu ngolukepu aph. Kihiju eno kiqiju chekemiqono pichekeuno ayeghi lo timi xu ighikemiqo kumtsu xaluve pinamu tile kumtsuno ngoLukepu-a kupukuno shinanike ipicheni. Kuchoyehsu no mutumishei pitsu akeuno tile xaluvekemiqo ghenguno a-a kupukunoshinani (**Mathi 7:14**).

5. Khanilo niye asaxu tipauye aghashivetsuke me keo ipi kumsupe I kumzavecheni. Tiyeh khile Satan no I shikubangu chenikeo ipi kumsu cheni. Hipau lo Baibel lo shikumtokutsu hami ithulunanima?

Khokichile: Iye. Akhlopeu Paul ghi otoi kumsu chekenia. Pano yehkeu kiqi lo, “Hipau kuxu lo ghichheghime pesu ajukuvu khikhi ningu lau piyesu puakeu sasu kimighi akepu vehu kiumu kuha (**Rommi 8:18**). Apuh Alhou, kungugha lo kuau, khiu lhokta kukaqha lo ngono ningu ikighi khe achekeuno ghuthu khavi pishipiqli jukelono ayeghi lo thekuju, ghukuju, eno shikupusaqo kumtsu shipuhavetsu nani.



6. Anga kititi thivekemiyo kumtsu Alhou kukaqha lo xalunanikeshea?

Khokichile: Baibel lo hitoi keu khokichile thebei kichetsukeu ithumla. Ikemu kutomono puluchekeuno **Mathi 2:16-18** kiqi lo anga kititi thivekemiyo xalukepuke ipi cheni. Baibel no pikeuno akukau Herod no Bethlehem kumxa lo anga kipitimi kititiyo ghiqhvetsukeu ghili puloshoqhi aqau lono hitoi shi ipeghinikeu ghili pichho puatsukeu ani. Ampeu no azanoqo vilo qakevilo, ghulo lakhiye panongu xachileluvenanike ipi. "Nongu kumulo tavelo, ... nongu nunuqo ye panongu ghuthu lo momu yeghi lo ide ighivenanike." (**Jeremiya 31:16, 17**).

7. Xaluvekemiyo ki ye ayeghi hipau shou ananikeshea?

Khokichile: Iye. Itehiye akimithe phughi ye Alhou kungo-a lo apho, ikemu Pano tipau tukiqhe sasu hipa yeghi lo iqighive nani. "Akimithe phughi huno ayeghi kite phughikutsu (oking) shinani, eno Alhou no Pa kukalaxhu tukiqhepesu ayeghi hipau lo iqighivenani." (**Piyekusu 21:2, 3; 22:1, 3**). Alhou no ayeghi hipau shou xaluvekemiyo gholo lhokta xu achenani. Ampeu no khile anikeno tipau-a pesu kungugha ipi kunani. Adam no puhavekeu Paradise hu Alhou no luchilepe ningu tsuvenani. Tokhoikeu jukuvu hu luchilepe tokhoikeu yeghi shou qhvetsunani. Satan no axine shiveno Alhou kupughu lo akupuna tsuvekemu tipau hu theqhive, eno kiu pughusachekeno tipau hu tokulu shiluve. Ningi kumtsu akukaqha akitheu lo ilo xunani. Hipau khilemu vezuvekevilo. (Hipau ghili alau ithinike ghenguno akiphi kichekutsu 12 loghi phijulo).


8. Kutomono xaluvekemiyo ki ye akimhi shou shinani eno panongu ghi aghunguqotoi kiumo mlamono aleboqo pesu khungukusu shouno yehu yewo acheniepike tiye kuchouno tishinanikeshea?

Khokichile: Hipau akimikiu papu tughami launo huthukeuke (**Johan 8:44**), Alhou kikimiye lono kiu kupughu shikeno tikumtsu Satan no pesu akimiki lo suvetsu. Kungugha ye aghunguqo no ngochekeu-a kethono kuchou-a kumoke ipi mikive, eno timiqo lolo lipikeu suvetsu. Kughou timiqono kungugha ye akimithemiqo kungo-a lakhike ipikeu ghili ithivenikeno tile Satan ye timiqo pishiqhimlave nani ipikeu pano ithi anikehu hitoi akimiki tsa pesu timiqo mulo kukumusu lo suvetsu acheni. Alhou no qhuchileluve kemiyo ghenguno aki kutopuatsu ani ipikeuye kuchou kumoke ipi timiqo kukumusu shikubanguvetsu puzu timiqo pelo Alhou tsa pulupemovenike ghenguno Satan no hitoi kichileu pesu timiqo qhoahji lo suvetsu achenike.

Hilehi okumtsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphiqo gholo lakhimu vezuvekeu shikevilo.

Akiphi kichekutsu 01: Tile nono pulubeLukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mpho zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “[Adobe Reader](#)” peithalo.

1) Akimithe phughi ye aqha (space) lo ani (1)

Hiye athokumo, momu kuchoukumo, ikemu kimighi Piyekusutsukeu lakhike
Hiye aphughi kuchou Alhou no Pa kungo-a lo kutope qhipuani
Timino kumsujukeukeu kethono kuchouno aphughi akeu kumoe.

2) Akimithe phughi hipauye (1)

Kutsavekulupu ghananu no kutsavelunani
Satan eno pa ghinimiqopno hakholuvenani
Kungugha launo iqighieno ayeghi kithe phughikutsu (oking) shinani

3) Hi aqhou tsupuakeu Baibel lo akimithe phughi kuchou ghili kichepiyesulo (7)

Hipau pesu Jerusalem akitheu ipi kuchenani
Hipau ye London phughi qhemike
Hipau liwo ye topaz pesu shipuani
Aphughi hipauye akushulau toi akijelau ghi ke
Alaghila ye shuna kutsughu pesu qhapuani
Aphughi ye aboqha 14 ani
Akhopeu Pitor no khagho lo puthugho ani
Khagho 12 qo kumtsu lo achiku lakhikhi pesu mla puani
Aphughi bokutha mile 1,500 ani
Hipau boqha ye akughuputuqo pesu mlapuani
Aphughi ye tokhoi kuchokumtsape ani

4) Akuxupu subo ye (1)

Timiqo lau alhokuthu ashiahji kivishi anikeu eno lhothemani shi anikeu kophasutsu cheni
KimighiPiyekusukeu tsa eno tipau kiquye
Alhou no Pa wu timiqo akumto tsunikeu pi anike
Hukuthu loye ache ikemu akukaqha akitheu
Loye sukuqhatsumo nani

5) Hi aqhou Baibel lo Alhou no akukaqha akitheu lo timiqo lau tushoqi puakeu kuchouqo phujulo (5)

Ampeu no tsalakipetsu kulakupu shirtsu chenani
Akuxupu subo ye axathi ajeli 20 pithitsu chenani
Ampeu no Pakutoshi Pa w timiqo gholo ngonani
Ampe asale thiu, tungkupumi ghi azuzuve nani
Tilehi akithi eno amulukosa kuanani
Tilehi timiqo ye khilemu akulho shimonani
Aphiaw kithimiqo ye kungumiqono khapekiske nani
Kungumiqono shikipivimi shieno ashighatsukeu (operation) shinani
Anhethi kighichemi no anhethi ichemovenani
Tilehi alakimine, akumsa akuyighu, kichileu, anhekushu, eno mithemokeu kuhavenani
Angaqa ye thuumonani

6) Hi aqhou ayehi kithe ghili pipuakeqo phujulo (6)

Ishi ayeghi lo azughi akeu toikeu kuhavenani
Asaye yeghiqha alau kije shivenani
Tushaghiqo ye kungugha khakuthaki alokepu lo khathape qhivenani
Pasapagha miyitsutsu, tsutsuiLuku momu ayeghi kughutha eno azukucho ighinani
Alaghila lo xinexigheqo kungumiqono ighono kutokughoikeu lono tsalakipe khulekimitheve nani
Axamunu kupuqo eno asunipaqa ighivemonani
Kungugha ye ayeghi hipau shou anani
Axine ye akiniu ide ipeghimonani
Hipau jukuvu ghili hephopyesukhamla nani

7) Kungugha kukaqha lo akimithemiqo ye (1)

Aghunguqo toi alebo igha khungkusu shou huju woju achenani
 Tile alokemi eno akusamiqo ithulumo nani
 Ashi eno aghi gholono kuchou phimpi punani eno lakhino lakhi ju ithulukile nani

8) Kungugha lo timiqo ye kuchou shinani eno kuchou kumla shinani, kughengu (1)

Phuikono tishilunikeu phuphevetsuake Baibel no pikeuno, ningu ye Khristo toivenani. Xuchileluveke thiu Paye ashi eno aghi pu, eno thime kuchouqo kumla shike Kukutsumi kutomono tishike ipi cheni

9) Tile kungugha kukaqha lo l ghenguno a-a aghinani, tsutsala lno (1)

Tsalakipe Ampeu kimiye cheghi aye Amiyizu msasheve aye

Khristo ikhilu eno Pa gholo ngoluve aye eno Pa zahkutsuqo pape aye

10) Xaluvekemiqo ye kungugha kukaqha lo kiu shi ananikea? Hi aqhou Baibel lo kuchou tsupuakeqo phujulo (5)

Pututa ki shisuno tile ngonani
 Atsaibo shosunani
 Tughashiqo heqhino tipaqo shi chunani
 Kungugha leboqo igha Alhou shipili anani
 Alhou kukalakhu zulono Pa mlla nani
 Amiyizu hechesu yeuno puhavekemiqo musukutho nani
 Akuxupu xathi chunani

11) Pa kukaqha lo alhokuthu xunikeu Jisu no pesu tsukeu lno ikhiluni

lye. Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou